

四庫全書薈要

• 乾隆御覽本

經部

欽定四庫全書薈要

經部

左傳注疏卷二十八



春秋左傳注疏卷二十八

起成公十六年盡十八年

晉杜氏注

唐陸德明音義

孔穎達疏

經有六年春王正月雨木冰注無傳記寒過節冰封

音義

雨木冰如字公羊傳云雨而疏正義曰正月

猶有雨未是盛寒雨下即著樹為冰記寒甚之過其節度公羊穀梁皆云雨而木冰是冰封著樹也今世時有之皆寒甚所致也

夏四月辛未滕子卒注不書名未同盟

鄭公子喜帥師侵宋注喜穆公子子罕也

六月丙寅朔日有食之注無傳

晉侯使欒黶來乞師注將伐鄭欒黶欒書子音義

黶於新反徐於

玷疏正義曰十八年悼公之入黶尚為公族大夫此時反欒書尚在黶未為卿而得名見經者襄二十九年

鄭公孫段未為卿而見經杜云蓋以攝卿行然則此亦當以攝卿故書

甲午晦晉侯及楚子鄭伯戰于鄢陵楚子鄭師敗績注

楚師未大崩楚子傷目而退故曰楚子敗績鄢陵鄭地

今屬潁川郡音義

鄢謁晚反又於建反

疏正義曰此戰楚師未至於敗而楚子身傷故書

楚子敗績也泓之戰宋公傷股師亦敗績故書師敗而不書宋公敗也君將不言帥師以君重於師也戰陳以師相敵死亡既多舉師為重故師敗君傷者惟書師敗而已不復書君身敗也劉炫又云若君將被執獲者為重既書師敗又書被獲即韓之戰獲晉侯大棘之戰獲華元難父之戰獲胡沈之君是也

其大夫公子側注側子反背盟無禮卒以敗師故書名

秋公會晉侯齊侯衛侯宋華元邾人于沙隨注沙隨宋地梁國寧陵縣北有沙隨亭不見公注不及鄆陵戰故

不諱者耻輕於執止疏

正義曰諸公被執者皆諱不書執此會晉侯不肯見公不諱之

者公為國內有故不及戰期雖不見公非公之罪是為恥輕於執止故直書之以示諫公之意冀公改過無後犯及歸書公至自會以無罪不諱故依法告廟也

公至自會注無傳

公會尹子晉侯齊國佐邾人伐鄭注尹子王卿士子爵曹伯歸自京師注為晉侯所赦故書歸諸侯歸國或書名或不書名或言歸自某或言自某歸傳無義例從告辭

九月晉人執季孫行父舍之于荏丘注荏丘晉地舍之

荏丘明不以歸不稱行人非使人音義

荏音條使所吏反疏正義

曰昭十三年晉人執季孫意如以歸此言會之若丘明其不以歸也大夫因使被執無罪者則書行人以見無罪於時行父從公伐鄭在軍見執雖則無罪不稱行人以其非使人故也季孫意如得釋而歸書意如至自晉此行父得釋不書至者釋例曰賈氏以為書執行父舍于若丘言失其所不書至者刺晉聽境執之示已無罪也案傳執于若丘以別晉都無義例也公待于郕與行父俱歸厥於公尊故不書行父至耳若欲示無罪則宜於執見義今既直書其執處絕不書至乃所以示終於見執非示無罪也救梁以行父至不致者為公在故與杜義合也

冬十月乙亥叔孫僑如出奔齊注公未歸命國人逐之十有二月乙丑季孫行父及晉卻犇盟于扈注晉許魯

平故盟

公至自會注無傳伐而以會致史異大

乙酉刺公子偃注魯殺大夫皆言刺義取於周禮三刺

之法音義

刺本又作刺七賜  
反爾雅云殺也

傳十六年春楚子自武城使公子成以汝陰之田求

成于鄭注汝水之南近鄭地音義

近附近  
之近

鄭叛晉子

駟從楚子盟于武城注為晉伐鄭起○夏四月滕文

公卒鄭子罕伐宋注滕宋之與國鄭因滕有喪而伐



宋故傳舉滕侯卒侵伐經傳異文經從告傳言實他

皆放此宋將鉏樂懼敗諸洧陂注敗鄭師也樂懼戴

公六世孫將鉏樂氏族音義

鉏仕魚反徐音在魚反  
洧七藥反徐音酌一音

市藥反陂

疏

正義曰樂懼是戴公六世孫世本有大

彼宜反

也

將鉏為樂氏之族不知所出杜譜於

樂氏之下樂鉏將鉏為一人傳

退舍於夫渠不傲注

無樂鉏之大不知其故何也

宋師不傲備音義

夫音扶傲  
京領反

鄭人覆之敗諸洧陵獲

將鉏樂懼宋恃勝也注洧陂夫渠洧陵皆宋地音義

覆徐數目反一音  
扶又反又芳又反

○衛侯伐鄭至于鳴鴈為晉故也

注鳴鴈在陳留雍丘縣西北音義

為子  
偽反

○晉侯將伐

鄭范文子曰若逞吾願諸侯皆叛晉可以逞注逞快

也晉厲公無道三卻驕故欲使諸侯叛冀其懼而思

德若唯鄭叛晉國之憂可立侯也欒武子曰不可以

方吾世而失諸侯必伐鄭乃興師欒書將中軍士燮

佐之注代荀庚疏

正義曰晉語云鄆陵之役晉伐鄭  
荆救之欒武子將上軍范文子將

下軍與此異者彼孔晁注云上下中軍之上下也傳  
曰欒書將中軍士燮佐之又曰欒范以其族夾公行  
引此為証是彼謂分中軍  
為二將將上而佐將下

卻錡將上軍注代士燮荀

偃佐之注代卻錡偃荀庚子韓厥將下軍卻至佐新

軍荀營居守注荀營下軍佐於是卻犇代趙旃將新

軍新上下軍罷矣音義

守手疏正義曰十三年傳云又反韓厥將下軍荀營佐

之又此年未傳云知武子佐下軍卻犇將新軍是其大也三年作六軍其新三軍將佐六人皆賞章之功死亡不復補至此唯有韓厥在耳卻至佐新軍不言中下是新軍唯一知新上下軍於是罷矣

卻犇

如衛遂如齊皆乞師焉欒黶來乞師孟獻子曰有勝

矣注卑讓有禮故知其將勝楚戊寅晉師起鄭人聞

有晉師使告于楚姚句耳與往注句耳鄭大夫與往

非使也為先歸張本音義

句古侯反與音預使所吏反

楚子救鄭

司馬將中軍注子反令尹將左注子重右尹子辛將

右注公子士夫過申子反入見申叔時注叔時老在

申音義

過古禾反

曰師其何如對曰德刑詳義禮信戰之

器也注器猶用也德以施惠刑以正邪詳以事神義

以建利禮以順時信以守物民生厚而德正注財足

則思無邪音義

邪似嗟反注皆同

用利而事節注動不失利

則事得其節時順而物成注羣生得所上下和睦周

旋不逆注動順理求無不具注下應上音義

應應對之應

各知其極注無二心故詩曰立我烝民莫匪爾極注

烝衆也極中也詩頌言先王立其衆民無不得中正

音義

烝之衆反注同

疏

正義曰烝衆釋詁文極中常訓也詩頌思大之篇美后稷之德周語云昔

我先王世后稷故杜以先王言之言先王后稷立其衆人無不得其中正也當堯之世洪水滔天人不粒食皆失其正性后稷教人耕稼以養之各復本性故無不得中正也

是以神降之福時

無災害民生敦龐和同以聽注敦厚也龐大也音義

龐莫疏

注正義曰皆釋詁文也言人之生計若財物足皆豐厚而多大管子曰倉廩實而知禮節

衣食足而知榮辱讓生於有餘爭生於不足是其人生厚大則心和而聽上命也

莫不盡力

以從上命致死以補其闕注闕戰死者此戰之所由

克也今楚內棄其民注不施恩而外絕其好注義不

建利音義

好呼報反

瀆齊盟注不詳事神音義

清徒木反

而食

話言注信不守物音義

話戶快反

奸時以動注禮不順時

周四月今二月妨農業音義

奸音干本或作干

疏

正義曰沈氏云音亦

奸時所以無天殃者以鄭既有罪晉人討之楚黨有罪之鄭故獨謂之奸時

而疲民以逞

注刑不正邪而苟快意音義

疲本亦作罷音皮下注同

疏

正義曰魯語曰

大刑用甲兵其次用斧鉞故大者陳之原野小者致之市朝則征伐之刑刑之大者刑不正邪而苟快意正謂伐晉是也此六句言楚無上六事隨便而言故與上不次服虔以外絕其好為刑不正邪也食語言為義不建利也疲民以逞為信不守物也杜以食語言是言之不信也快意征伐是刑之失所也故不從舊說

民不知信進退罪也人恤所底其誰致死注底至

也音義

底徐音旨疏正義曰底聲近至故為至也在又之履反上之信不著於人號令無常動

情恣意或乍東乍西或欲遲欲速每事如此不可測量人不知信進退獲罪人人各憂其身不知性命所至誰肯致死戰也

子其勉之吾不復見子矣注言其必敗不

反音義

復見一本無復疏正義曰叔時此對首尾相字復扶又反成先舉六名云戰之器也

言有此六事乃可以戰若器用然也自德以施惠至  
信以守物辦六事施用之處也自民生厚至所由克  
言能用六事得戰勝之意也自今楚內棄其民至疲  
民以逞言楚不行六事也民不知信以下言楚必敗  
之意也德者得也自得於心美行之大名有大德者  
以德撫人是德用之以施恩惠也有奸邪者斷以刑  
罰是刑用之以正邪辟也詳者祥也古字同耳釋詁  
云祥善也李廵曰祥福之善也事神得福乃名為祥  
是祥用之以事神也義者宜也物皆得宜利乃生焉  
故義所以生立利益也禮者履也其所踐履當達時  
要故禮所以順時事也言而無信物將散矣故信所  
以守羣物也人君用此道以撫下民民之生計豐厚  
財用足則民之德皆正矣德謂人之性行論語云民  
德歸厚矣即是正也此一句覆上德以施惠由上施  
恩惠故民生計豐厚也財用有利益而每事得節飢  
則有食寒則有衣其事皆得節矣此一句覆上義以



建利也政不擾民時節皆順春種夏耨而物得成矣  
此一句覆上禮以順時也自上及下和睦相親周旋  
運轉不有違逆上之所求下無不具下民自知其中  
無復二心故詩美先王成立我之衆民無不於女先  
王得其中正言先王善養下民使得中也自上下和  
睦以下至莫匪爾極總論在上德義禮三事以教於  
下則在下之人皆無邪惡以信自守即包上刑以正  
邪信以守物二句也聖王先成於民而後致力於神  
民既如此是以明神下之福祐時無水旱災害此覆  
上詳以事神也故下民生計皆豐厚而多大人皆和  
同其心以聽進止無不盡己之力以從上命戰陳之  
上有被殺傷者皆致其死命以補其空闕之處此戰  
之所由得而勝也今楚內棄其國內之民不行施惠  
是無德也外絕其鄰國之好不得其利是無義也與  
晉結盟而復背之貫漬齊同之盟是無詳也與人要  
言今背其語食消善言是無信也夏之二月農事正

煩奸犯時節而動兵伐人是無禮也晉人無罪苟欲伐之疲勞下民以快己欲是無刑也六事皆無是無器也無器而戰其可勝乎上若有信民知所違上既無信不知所從從前言則違後令從後令則背前言人既不知在上之信其進與退皆得罪也人人憂其所至不知己之性命將至何處其誰肯致死而戰也子其勉力為之此行也必敗吾不復得見子矣知其必死與之長訣也

姚句耳先歸子

駟問焉對曰其行速過險而不整速則失志注不思

慮也不整喪列志失列喪將何以戰楚懼不可用也

五月晉師濟河聞楚師將至范文子欲反曰我偽逃

楚可以紓憂注紓緩也音義

喪息浪反下同紓音舒

夫合諸侯

非吾所能也以遺能者我若羣臣輯睦以事君多矣  
武子曰不可六月晉楚遇于鄢陵范文子不欲戰卻  
至曰韓之戰惠公不振旅注衆散敗也在僖十五年

音義

遺唯季反下注問遺也同輯又作集音同亦七入反

箕之役先軫不反命

注死於狄也在僖三十三年邲之師荀伯不復從注

荀林父奔走不復故道在宣十二年音義

從徐子容反音或如

字

皆晉之恥也子亦見先君之事矣注見先君成敗

之事今我辟楚又益恥也文子曰吾先君之亟戰也

有故注亟數也音義

亟去吏反  
數所角反

秦狄齊楚皆彊不盡

力子孫將弱今三彊服矣注齊秦狄敵楚而已唯聖

人能外內無患自非聖人外寧必有內憂注驕亢則

憂患生也音義

亢苦浪反

盍釋楚以為外懼乎甲午晦楚

晨壓晉軍而陳注壓笮其未備音義

盍戶臘反壓於甲反徐於敦反

陳直觀反下及注  
皆同笮側直反

軍吏患之范匄趨進曰注匄士燮

子音義

匄本又作  
弓古害反

塞井夷竈陳於軍中而疏行首注

疏行首者當陳前決開營壘為戰道音義

行戶郎反  
一音如字

注同壘  
力執反

晉楚唯天所授何患焉文子執戈逐之曰國

之存亡天也童子何知焉欒書曰楚師輕窵固壘而  
待之三日必退退而擊之必獲勝焉卻至曰楚有六

間不可失也其二卿相惡注子重子反音義

窵勅彫反又勅

弔反惡如字  
又烏路反

王卒以舊注罷老不代音義

卒子忽反  
下皆同

鄭陳而不整注不整列蠻軍而不陳注蠻夷從楚者

不結陳陳不違晦注晦月終陰之盡故兵家以為忌

疏正義曰日為陽精月為陰精兵尚殺害陰之道也  
行兵貴月盛之時晦是月終陰之盡也故兵家以

晦為忌不用晦日陳兵也昭二十三年七月戊辰晦  
吳敗楚師于雞父吳犯兵忌而戰勝者杜云違兵忌  
晦戰擊楚所不意彼知楚有可敗之機晦是兵家所  
忌原楚之情必以吳為不動故以晦日掩之擊楚不  
備故也

在陳而囂注囂喧嘩也音義

囂許驕反徐讀曰  
嗽五高反注及後

同喧本又作誼况元  
反嘩本又作譁音華

合而加囂注陳合宜靜而益有

聲各顧其後莫有鬪心注人恤其所底蘊不必良以

犯天忌我必克之楚子登巢車以望晉軍注巢車車

上為櫓音義

巢說大作櫓云兵車高如巢  
以望敵也字林同櫓音魯

疏

正義曰  
說文云

櫓兵高車如巢以望敵也櫓澤中守  
草樓也是巢與櫓俱是樓之別名

子重使大宰伯

州犁侍于王後注州犁晉伯宗子前年奔楚音義

大宰

音恭官名大者多同以意求之

王曰騁而左右何也注騁走也曰召

軍吏也皆聚於中軍矣曰合謀也張幕矣曰虔卜於

先君也注虔敬也音義

篆音莫

徹幕矣曰將發命也甚

囂且塵上矣曰將塞井夷竈而為行也注夷平也音

義

上時掌反行戶郎反下夾公行同

皆乘矣左右執兵而下矣曰聽

誓也注左將帥右車右音義

乘繩誼反下同將子匠反下去將同帥所類反

下元疏正義曰兵車唯元帥在中御者在左也其餘帥同將帥皆御者在中將帥在左也左右執兵而

下唯御者持  
車不下耳

戰乎曰未可知也乘而左右皆下矣曰

戰禱也注禱請於鬼神音義

禱丁老反  
或丁報反

伯州犁以公

卒告王注公晉侯苗賁皇在晉侯之側亦以王卒告

注賁皇楚關椒子宣四年奔晉音義

賁扶云反

皆曰國士

在且厚不可當也注晉侯左右皆以伯州犁在楚知

晉之情且謂楚衆多故憚合戰與苗賁皇意異音義

憚徒疏

正義曰服虔以此皆曰之文在州犁賁皇之  
下解云賁皇州犁皆言曰晉楚之士皆在君

且反

側且陳厚不可當以為州犁言晉強賁皇言楚強故

云皆曰也若如服言賁皇既言楚不可當何故復請



分良以擊其左右故杜不用其說晉侯左右皆為此言以憚伯州犂耳

苗賁皇言於晉

侯曰楚之良在其中軍王族而已請分良以擊其左

右而三軍萃於王卒注萃集也音義

萃似醉反

必大敗之

公筮之史曰吉其卦遇復注



震下坤上復無變

疏

正義曰說卦震為雷坤為地復象曰雷在地中復服虔云復反也陰盛於上陽動於下以喻小人作

亂於上聖人興道於下萬物復萌制度復理故曰復也其筮六爻無變者故言其所遇之卦而已

曰

南國蹇射其元王中厥目注此卜者辭也復陽長之

卦陽氣起于南行推陰故曰南國蹇也南國勢蹇則

離受其咎離為諸侯又為目陽氣激南飛矢之象故

曰射其元王中厥目音義

蹇子六反射食亦反注及下射之同中丁仲反注同

長丁丈反

疏

正義曰此實筮也而言卜者卜筮通言

激古狄反

耳

此既不用周易而別為之辭蓋卜筮

之書更有此類筮者據而言耳服虔以為陽氣觸地

射出為射之象杜以陽氣激南為飛矢之象二者無

所依馮各以意說得失終於無驗是非無以可明今

以杜古離為諸侯者案禮器云大明生於東君西酌

犧象鄭玄云象日出東方而西行也詩邶相

舟鄭箋云日君象也說卦離為日故為諸侯

傷不敗何待公從之注從其言而戰有淖於前注淖

泥也音義

淖乃孝反徐徒較反

乃皆左右相違於淖注違辟也

步毅御晉厲公欒鍼為右注步毅即卻毅彭名御楚  
共王潘黨為右石首御鄭成公唐苟為右欒范以其  
族夾公行注二族強故在公左右音義共音恭夾  
古洽反疏

注正義曰劉炫云族者屬也屬謂中軍以中軍夾公  
耳非謂宗族之兵今知非者杜云二族者順傳之文  
無明言宗族之事劉誣杜  
以為宗族妄規其過非也陷於淖欒書將載晉侯鍼

曰書退國有大任焉得專之注在君前故子名其父

大任謂元帥之職音義

為於  
度反

疏

正義曰言國有元帥  
之大任何得專意廢

之而為御也注正義曰曲禮曰父前子名君前臣名  
鄭玄云對至尊無大小皆相名以君至尊為在君前

故子名  
其父

且侵官冒也注載公為侵官音義

冒莫報反  
徐莫北反

失官慢也注去將而御失官也離局姦也注遠其部

曲為離局音義

離力志反注  
同遠于萬反

有三罪焉不可犯也乃

掀公以出於淖注掀舉也音義

掀徐許言反云林銍  
舉之則公軒起也一

曰掀引也胡根反一音虛斤反字  
林云舉出也火氣也又丘近反

疏正義曰說文云  
掀舉出也公在

於淖知掀當  
訓為舉也

癸巳潘阂之黨與養由基躡甲而射之

徹七札焉注黨潘阂之子躡聚也一發達七札言其

能陷堅音義

阂烏黃反之黨一本作潘阂之子黨案  
注云黨潘阂之子也則傳文不得有子

字古本此及襄二十三年申鮮虞之傳勢皆無子字  
躡在尊反徐又在損反一音才官反札側八反徐側  
乙疏正義曰潘尫之子其名為黨襄二十三年申  
反鮮虞之傳勢辭與此同古人為文略言耳

示王曰君有二臣如此何憂於戰注二子以射夸王

音義

夸苦瓜反

王怒曰大辱國注賤其不尚知謀音義

知音

智

詰朝爾射死藝注言女以射自多必當以藝死也

詰朝猶明朝是戰日音義

朝如字注同女音汝

呂錡夢射月中

之退入於泥注呂錡魏錡音義

射食亦反下至使射呂錡皆同

占之

曰姬姓日也注周世姬姓尊異姓月也注異姓卑必

楚王也射而中之退入於泥亦必死矣注錡自入泥

亦死象音義

中丁仲反下及注皆同

及戰射共王中目王召養

由基與之兩矢使射呂錡中項伏攷注攷弓衣音義

項戶講反攷他刀反

以一矢復命注言一發而中卻至三遇楚

子之卒見楚子必下免胄而趨風注疾如風楚子使

工尹襄問之以弓注問遺也疏

正義曰遺人以物謂之為問問強多以琴

問子貢以弓論語云問人於他邦皆是也

曰方事之殷也注殷盛也有韎

韋之跗注君子也注韎赤色跗注戎服若袴而屬於

附與袴連音義

跣莫科反又音鉢徐莫蓋反附方子反注之樹反袴若故反屬章玉反

疏

正義曰鄭玄詩注云跣茅蒐染也跣聲也韋昭云

茅蒐今絳草也急疾呼茅蒐成跣也茅蒐即今之

蒨也賈逵云一染曰跣釋器云一染謂之緇謂一入

赤為淺赤色也跣注兵戎之服自要以下而注於脚

跣謂屬袴於下與跣相連周禮司服凡兵事韋弁服

鄭玄云韋弁以跣韋為弁又以為衣裳晉郤至衣跣

韋之跣注是也鄭以跣裳為幅謂裁韋若布帛之幅

相縫屬鄭言以為衣裳則衣裳不連聘禮君使卿韋

弁歸襄饗鄭玄云其服蓋跣布以為衣而素裳鄭以

彼非戎事當為素裳明衣裳不連跣注言連者謂要

脚連耳若然在軍之服其色皆同所謂均服振振上

下同色郤至與衆同服所以獨見識者禮法雖有此

服軍士未必盡然郤至服

必鮮華故楚王偏識之

識見不穀而趨無乃傷乎

注恐其傷卻至見客免冑承命曰君之外臣至從寡

君之戎事以君之靈間蒙甲冑注間猶近也音義近

字一本或

作與音預不敢拜命注介者不拜音義

介音疏正義曰曲

禮云介者不拜為其拜而萎拜鄭玄云  
萎則失容節萎猶詐也憲其桀甲折

敢告不寧君

命之辱注以君辱賜命故不敢自安疏

正義曰劉炫以為楚王云

無乃傷乎恐其傷也答云敢告不寧告其身不傷耳  
魏掣云不有寧也以傷為寧此與魏掣相似今知不  
然者案僖二十八年魏掣云以君之靈不有寧也謂  
不有被傷以自寧也知不與彼同者以彼云不有寧  
謂不有損傷此直云不寧既無有字又先無被傷之  
狀與魏掣不同也案檢杜注敢告不寧君命之辱宜



連讀之若敢告不寧別自為句則君命之辱一句零  
行無所依附故知與彼不同劉君不尋杜意以為與  
魏犢相似而為事之故敢肅使者注言君辱命來問  
規杜非也

以有軍事不得荅故肅使者肅手至地若今擡音義

為子偽反使所吏反注及下同擡

疏正義曰周禮大

伊志反揖也字林云舉首下手也

祝辨九拜九曰

肅拜鄭司農云肅拜但俯下手今時擡是也說文云

擡舉手下手也其勢如今揖之小別晉宋儀注貴人

待賤人賤人

拜貴人擡三肅使者而退晉韓厥從鄭伯注從逐

拜貴人擡

也其御杜溷羅曰速從之其御屢顧不在馬可及也

韓厥曰不可以再辱國君乃止注二年鞏戰韓厥已

屏齊侯音義

潤戶昏反又戶本反

卻至從鄭伯其右蒧翰胡曰

謀輅之余從之來而俘以下注欲遣輕兵單進以距

鄭伯車前而自後登其車以執之音義

蒧府勿反翰徐音韓謀音

輅輅五嫁反乘繩證

正義曰說文云謀軍中反間也兵書有反間之法謂詐為

反輕遣政反又如字

疏也兵書有反間之法謂詐為

敵國之人入其軍中伺侯間隙以反告已軍今謂之

細作人也此欲令謀迎鄭伯則非一人細作於時鄭

伯退走故杜以為輕兵單進遠鄭伯之前逆距鄭伯

使鄭伯前視輕兵不復顧後得自後登其車以執之

也鄭軍亂走輕兵獨出其間亦

卻至曰傷國君有刑

謀之類故翰胡得以謀言之

亦止石首曰衛懿公唯不去其旗是以敗於熒乃內

旌於弢中注焚戰在閔二年音義

去起呂反焚尸局反旌音精

疏

正義曰旌謂鄭伯所建之旗弢是盛旌之囊也周禮全羽為旌析羽為旌謂空建鳥羽者也但凡旗竿首皆有析羽故旌為之總名故此傳鄭伯與子重所建皆以旌言之其鄭伯所建當是交龍之旗子重所建當是熊虎之旗周禮中秋教治兵辨旗物諸侯載旂軍吏載旗鄭玄云軍吏諸軍帥也凡旌旗有軍衆者畫異物無者帛而已子重為將自然當建熊虎之旗

唐苟謂石首曰子在君側

敗者壹大我不如子子以君免我請止乃死注敗者

壹大謂軍大崩也言石首亦君之親臣而執御與車

右不同故首當御君以退已當死戰楚師薄於險注

薄迫也叔山冉謂養由基曰雖君有命為國故子必

射注王有死藝命音義

冉如炎反為子  
偽反射食亦反

乃射再發盡

殪叔山冉搏人以投中車折軾晉師乃止注言二子

皆有過人之能音義

發如字徐音廢殪於計反搏音  
博中丁竹反折之該反又市列

反軾  
音式

囚楚公子莨注為卻至見譖張本音義

莨扶  
廢反疏

正義曰晉語謂之王子  
發鉤蓋一名一字也

欒鍼見子重之旌請曰楚人

謂夫旌子重之麾也彼其子重也曰臣之使於楚也

子重問晉國之勇臣對曰好以衆整曰又何如注又

問其餘音義

夫音扶虔許危反日人實反使所吏反下免使者同好呼報反下及注皆同

臣對曰好以暇注眠閒暇音義

閒音閑

今兩國治戎行

人不使不可謂整臨事而食言不可謂暇注食好整

之言音義

使所吏反又如字

請攝飲焉注攝持也持飲往飲

子重音義

往飲於鵠反

公許之使行人執榼承飲造于子

重注承奉也音義

榼苦臘反造七報反

曰寡君之使使鍼御持

矛注御侍也是以不得犒從者使某攝飲子重曰夫

子嘗與吾言於楚必是故也不亦識乎注知其以往

言好暇故致飲音義

犒苦報反  
從才用反

受而飲之免使者而

復鼓注免脫也音義

復扶又反  
注及下同

旦而戰見星未已子

反命軍吏察夷傷注夷亦傷也疏

正義曰服虔云金  
創為夷杜以戰用

五兵唯及無刃所言傷者皆刃傷也何須  
於此獨辨金木故知夷亦傷也復言之耳

補卒乘注

補死亡音義

乘繩證  
反下同

繕甲兵注繕治也展車馬注展

陳也音義

陳如  
字

雞鳴而食唯命是聽注復欲戰晉人

患之苗賁皇狗曰蒐乘補卒注蒐閱也音義

狗似俊  
反蒐所

留秣馬利兵注秣穀馬也音義

秣音  
末

脩陳固列注固

堅也音義

陳直觀反又如字

薜食申禱注申重也音義

薜音重

直用反

明日復戰乃逸楚囚注逸縱也音義

縱子用反

王聞

之召子反謀穀陽豎獻飲於子反子反醉而不能見

注穀陽子反內豎音義

見賢通反疏

正義曰鄭玄云豎未冠者之名故杜以為

內豎也案呂氏春秋云荆共王與晉厲公戰于鄢陵荆師敗共王傷臨戰司馬子反渴而求飲豎陽穀操酒而進之子反曰却酒也豎陽穀曰非酒也子反曰却酒也豎陽穀又曰非酒也子反受而飲之子反之為人也嗜酒甘而不能絕於口醉戰既罷共王欲復戰而謀使召司馬子反子反辭以心疾共王駕往視之入懷中聞酒臭而還曰今日之戰不穀親傷所恃者司馬也而司馬又若此不穀無與復戰矣於是遂

罷師去之新司馬子反以為戮與此不同者傳依王  
簡牘本紀彼采傳聞異辭所說既殊其文亦異

曰天敗楚也夫余不可以待乃宵遁晉入楚軍三日

穀注食楚粟三日也音義夫音扶三日穀本或作三日館穀誤也范文

子立於戎馬之前曰君幼諸臣不佞注佞才也音義

君幼本或作君幼弱何以及此君其戒之注戒勿驕周書曰惟

命不予常有德之謂注周書康誥言勝無常命惟德

是與疏正義曰周公稱成王之命告康叔以此言也唯上天之命不常於一人也言善則德之惡

則失之唯有德者於是與之楚師還及瑕注瑕楚地王使謂子反



曰先大夫之覆師徒者君不在注謂子玉敗城濮時

王不在軍音義

覆芳服反

子無以為過不穀之罪也子反

再拜稽首曰君賜臣死死且不朽注王引過亦所以

責子反也臣之卒實奔臣之罪也子重使謂子反曰

初墮師徒者而亦聞之矣盍圖之注聞子玉自殺終

二卿相惡音義

卒從此已前皆子忽反墮于敏反盍戶臘反

對曰雖微先

大夫有之大夫命側側敢不義注言以義命已不敢

不受疏

正義曰微無也縱使雖無先大夫有此舊事今大夫將義命已敢不以為之義乎

側

亡君師敢忘其死王使止之弗及而卒戰之日齊國

佐高無咎至于師注無咎高固子衛侯出于衛公出

于壞隤注壞隤魯邑齊衛皆後非獨魯明晉以僞如

故不見公音義

壞戶怪反徐音  
隤隤徒回反

疏

正義曰出于衛者  
已出衛竟也必出

于壞隤始從壞隤而出猶未出魯竟下云公待於壞  
隤設守而後行是出國止於壞隤更從壞隤而行

宣伯通於穆姜注穆姜成公母欲去季孟而取其室

注季文子孟獻子音義

去起  
呂反

將行穆姜送公而使逐

二子公以晉難告注會晉伐鄭音義

難乃  
旦反

曰請反而

聽命姜怒公子偃公子鉏趨過注二子公庶弟音義

鉏仕疏

注正義曰沈氏云以刺公子偃不云弟故也

指之曰女不可是皆

君也注言欲廢公更立君音義

女音汝

公待于壞墮申

宮傲備注申勅宮備音義

傲京領反

設守而後行是以後

注後晉楚戰期音義

守手又反

使孟獻子守于公宮秋會

于沙隨謀伐鄭也注鄭猶未服宣伯使告卻犇曰魯

侯待于壞墮以待勝者注觀晉楚之勝負卻犇將新

軍且為公族大夫以主東諸侯注主齊魯之屬取貨

于宣伯而訴公于晉侯注訴譖也晉侯不見公○曹

人請于晉曰自我先君宣公即世注在十三年國人

曰若之何憂猶未弭注弭息也既葬國人皆將從于

臧所謂憂未息音義

弭亡氏反

而又討我寡君注前年晉

侯執曹伯以亡曹國社稷之鎮公子注謂子臧逃奔

宋是大泯曹也注泯滅也先君無乃有罪乎注言今

君無罪而見討得無以先君故若有罪則君列諸會

矣注諸侯雖有篡弑之罪侯伯已與之會則不復討

前年會于戚曹伯在列盟畢乃執之故曹人以為無

罪音義

篡初惠反弑音試復扶又反下及下文復請同

疏

正義曰諸侯廢立當由天子但春秋

之世王政不行若篡弑而立則侯伯既列於會便是已成為君臣不得弑之鄰國不得復討往年為戚之會主為討曹但晉侯既列於會盟畢乃始執之故曹人以為無罪也宣元年會于平州以定公位齊非侯伯而得公位定者縱非侯伯乃是疆鄰既得與會即為黨援晉若討魯齊必救之於是晉國竟不伐魯是由會齊而公位遂定也

君唯不遺德刑注遺失也以伯諸侯豈

獨遺諸敝邑敢私布之注為曹伯歸不以名告傳音

義

伯如字又音霸

疏

正義曰諸侯被執及歸或名或否雖從告辭傳不為例但諸侯尊貴不斥其名

曲禮曰諸侯不生名諸侯失地名滅同姓名是諸侯  
稱名者是罪責之事彼告者亦量其事之善否惡之  
則以名告故釋例曰蔡侯般弑父自立楚子欲顯行  
刑誅以章伯業誘而殺之蔡人深怨故稱名以告春  
秋從而書之是告者謂其有罪則稱名以告謂其無  
罪則告不以名此曹人訴君無罪晉侯從而釋之言  
其無罪而歸故晉人不以名告下云晉侯謂子臧反  
吾歸而君是晉人告其歸也此傳說曹伯無罪是為  
經不以名告之傳也 ○七月公會尹武公及諸侯伐鄭將行姜

又命公如初注復欲使公逐季孟公又申守而行諸  
侯之師次于鄭西我師次于督揚不敢過鄭注督揚

鄭東地音義

守手又反下注同過  
古臥反又古禾反

子叔聲伯使叔孫

豹請逆于晉師注豹叔孫僑如弟也僑如於是遂作

亂豹因奔齊疏

正義曰此時七月也至十月而僑如奔齊昭四年傳稱穆子去叔孫氏及

庚宗遇婦人使私為食而宿焉後生豎牛適齊娶於國氏生孟丙仲壬乃云宣伯奔齊穆子饋之則似豹在齊多年僑如始往故服虔以為叔孫豹先在齊矣此時從國佐在師聲伯今人就齊師使豹豹不忘宗國聞白國佐為魯請逆杜不然者若豹以前在齊則非復魯臣聲伯正可因之以請不得云聲伯使豹聲伯安得專使背叛之臣也又聲伯豈無魯人可使而崎嶇艱險遠使他國之人乎今傳言聲伯使豹明在魯軍得為聲伯使耳下云聲伯食使者而後食不言食豹而言食使者明豹因請逆遂即不還還者豹之介耳於時魯師在鄭從鄭向齊塗出於魯豹必遇魯乃去故得宿於庚宗彼傳因言宿於庚宗遂說娶於

國氏生二子耳二子之生必在僞如奔後豹之還魯  
雖無歸年而襄二年始見於經豎牛已能奉堆故杜  
以為此年去彼年歸故  
下注云傳因言其終 為食於鄭郊師逆以至注聲

伯戒叔孫以必須所逆晉師至乃食聲伯四日不食

以待之食使者注使者豹之介音義

食使音嗣使所吏反注同介音

界下大敵介大國同

而後食注言其忠也音義

而後食一本作聲伯而後食

○諸侯遷于制田注滎陽苑陵縣東有制澤知武子

佐下軍注武子荀瑩以諸侯之師侵陳至于鳴鹿注

陳國武平縣西南有鹿邑遂侵蔡未反注侵陳蔡不



書公不與音義

與音預

諸侯遷于潁上戊午鄭子罕宵

軍之宋齊衛皆失軍注將主與軍相失宋衛不書後

也音義

將子

疏

正義曰服虔以失軍為失其軍糧傳

諸侯之營不軍其輜重安得為失軍糧也故杜以為將主與軍相失謂夜裏迸散相失耳此諸侯即伐鄭之諸侯也經書公會尹子晉侯齊國佐邾人伐鄭不書宋衛傳言宋衛皆失軍則宋衛在矣在而不書後至故也

曹人復請于晉晉侯謂子臧反吾歸而君注以

曹人重子臧故子臧反曹伯歸注子臧自宋還子臧

盡致其邑與卿而不出注不出仕○宣伯使告郤犇

曰魯之有季孟猶晉之有欒范也政令於是乎成今  
其謀曰晉政多門不可從也注政不由君寧事齊楚  
有亡而已蔑從晉矣注蔑無也若欲得志於魯請止  
行父而殺之注行父季文子也我斃蔑也注蔑孟獻  
子時留守公宮音義斃婢世反而事晉蔑有貳矣魯不貳

小國必睦不然歸必叛矣九月晉人執季文子于荅  
丘公還待于鄆注鄆魯西邑東郡廩丘縣東有鄆城

音義廩力甚反使子叔聲伯請季孫于晉卻犇曰苟去仲

孫蔑而止季孫行父吾與子國親於公室注親魯甚

於晉公室音義

去起呂反下同

對曰僑如之情子必聞之矣

注聞其淫慝情音義

慝吐得反下文同

若去蔑與行父是大

棄魯國而罪寡君也若猶不棄而惠徼周公之福使

寡君得事晉君則夫二人者魯國社稷之臣也若朝

亡之魯必夕亡以魯之密邇仇讐注仇讐謂齊楚音

義夫音扶疏

正義曰朝亡之謂朝失蔑與行父也魯朝如字必夕亡謂亡屬他國也下云亡而為讐

是欲棄晉而屬齊楚

亡而為讐治之何及注言魯屬齊楚則還

為晉讐卻犇曰吾為子請邑對曰嬰齊魯之常隸也

注隸賤官音義

為子偽反

敢介大國以求厚焉注介因也

承寡君之命以請注承奉也若得所請吾子之賜多

矣又何求范文子謂欒武子曰季孫於魯相二君矣

注二君宣成音義

相息亮反

妾不衣帛馬不食粟可不謂

忠乎信讒慝而棄忠良若諸侯何子叔嬰齊奉君命

無私注不受卻犇請邑音義

衣於既反食舊如字對上句應作嗣音

謀

國家不貳注謂四日不食以堅事晉圖其身不忘其

君注辭邑不食皆先君而後身若虛其請是棄善人

也子其圖之乃許魯平赦季孫冬十月出叔孫僑如

而盟之僑如奔齊注諸大夫共盟以僑如為戒十二

月季孫及郤犇盟于扈歸刺公子偃注偃與鉏俱為

姜所指而獨殺偃偃與謀音義偃與音預召叔孫豹于齊

而立之注近此七月聲伯使豹請逆於晉聞魯人將

討僑如豹乃辟其難先奔齊生二子而魯乃召之故

襄二年豹始見經傳於此因言其終音義難乃旦反見賢通反

○齊聲孟子通僑如注聲孟子齊靈公母宋女使立於高國之間注位比二卿僑如曰不可以再罪奔衛

亦間於卿注傳亦終言僑如之佞音義

間徐音間廁之間讀者或

如字○晉侯使卻至獻楚捷于周與單襄公語驟稱其

伐注伐功也疏

正義曰周語稱卻至見召桓公與之語召桓公以告單襄公非卻至自與

襄公語也襄公論卻至將死答召桓公語耳非語諸大夫也其大興此小異其意與此大同周語詳而此傳略先賢或以為國語非丘明所作其或有與傳不同故也驟稱其伐謂數數自伐其功周語說卻至自伐之言多矣其辭不可具載  
單子語諸大夫曰溫季其亡乎注溫

季郤至音義

語魚據反

疏

正義曰周語單襄公答召桓公云人有言曰兵在頸者其郤至

之謂乎即具論郤至之失乃曰以吾觀之兵在其頸不可久也

位於七人之下注佐

新軍位在八疏

正義曰此時樂書將中軍士樊佐之郤錡將上軍荀偃佐之韓厥將下軍

荀偃佐之郤擊將新軍郤至佐之是位在七人之下

而求掩其上注稱已之伐

掩上功疏

正義曰周語曰郤至自稱已有大功欲求晉國之衆不失其次吾懼政之未及子也至謂召桓公

曰何次之有先大夫荀伯下軍之佐以為政趙宣子未有軍行而以為政今樂伯自下軍往是三子也吾又過之無不及也若佐新軍而以之為政不亦可乎將必求之

怨之所聚亂之本也多怨而階亂何以在

位注怨為亂階夏書曰怨豈在明不見是圖注逸書

也不見細微也音義

見賢遍反又如字注同

疏

正義曰夏書五子之歌第一章

也其為人所怨者豈必在明白之處乎其於人所不見當於是圖謀之此書之言將謂慎其細小之事者也今乃明明言之道已欲掩其上此事甚明其可乎言必不可也杜不見古文故云逸書將慎其

細也今而明之其可乎注言卻至顯稱已功所以明

怨咎

經十有七年春衛北宮括帥師侵鄭注括成公會孫音

義

括古活反



夏公會尹子單子晉侯齊侯宋公衛侯曹伯邾人伐鄭  
注晉未能服鄭故假天子威周使二卿會之晉為兵主  
而猶先尹單尊王命也單伯稱子蓋降爵

六月乙酉同盟于柯陵注柯陵鄭西地音義

柯古河反

秋公至自會注無傳

齊高無咎出奔莒

九月辛丑用郊注無傳九月郊祭非禮明矣書用郊從

史文疏

正義曰傳例啓蟄而郊今九月郊祀是非禮明矣公羊傳曰用者何用者不宜用也九月非所

用郊也穀梁傳曰夏之始可以承春以秋之末承春之始蓋不可矣九月用郊用者不宜用也賈逵以二傳為說諸書用者不宜用也釋例曰辛丑用郊文異而丘明不發傳因時史之辭非聖賢意也劉賈以為諸言用皆不宜用反於禮者也施之用郊似若有義至於用幣用鄧子諸若此此皆當須書用以別所用者也若不言用則事叙不明所謂辭窮非聖人故造此用以示義也且諸過祀三望之類奚獨皆不書用邪案左氏傳用幣于社傳曰得禮冉有用矛於齊師孔子以為義無不宜用之例也丘明云我師宜欺我哉

晉侯使荀罃來乞師注無傳將伐鄭

冬公會單子晉侯宋公衛侯曹伯齊人邾人伐鄭注鄭猶未服故也

十有一月公至自伐鄭注無傳

壬申公孫嬰齊卒于狸脈注十一月無壬申日誤也狸

脈闕音義

狸力之反  
脈市軫反

疏

正義曰杜長歷推十一月丁亥朔六日壬辰十六日壬寅二十

六日壬子十日丙申二十二日戊申不知壬申二字何者為誤長歷云公羊穀梁傳及諸儒皆以為十月十五日也十月庚午圍鄭十三日也推至壬申誠在十五日然據傳曰十一月諸侯還自鄭壬申至于狸脈而卒此非十月分明誤在日也又杜於土地之篇凡有地名二十六所不知所在之國狸脈即是其一不知是何國之地故直云闕也杜又稱舊說曰壬申十月十五日狸脈魯地也傳曰十月庚午圍鄭則二日未得及魯竟也釋例又曰魯大夫卒其竟內則不書地傳稱季平子行束野卒于房是也以此益明狸脈非魯地矣以下有十二

月丁巳朔逆而推之故諸舊說皆以壬申為十月十五日也公羊穀梁傳以為待公至然後卒大夫故十月之日書在十一月之下於左傳則不通故杜以為日誤

十有二月丁巳朔日有食之注無傳

邾子貜且卒注無傳五同盟音義

邾俱縛反徐居疏正義

曰邾且以大十四年即位宣十七年盟于斷道成二年于蜀五年于燕七年于馬陵九年于蒲十五年于戚此年于柯陵凡七同盟而云五者沈以杜數同盟之例但有君盟者不數大夫之盟此二年盟蜀十七年盟柯陵皆邾之大夫故不數之劉炫并數二盟而規其過非也

晉殺其大夫卻錡卻犇卻至

楚人滅舒庸

傳十七年春王正月鄭子駟侵晉虛滑注虛滑晉二

邑滑故滑國為秦所滅時屬晉後屬周音義

虛起居反疏

正義曰僖三十三年秦人滅滑經書入則是滅而不知滅後屬何國也此言侵晉知此時屬晉耳襄十八年傳楚公子格侵費滑胥靡注云胥靡鄭邑不言費滑杜意當以費滑為周邑也然則若是周邑當言侵周以別之定六年傳稱鄭伐周馮滑胥靡爾時胥靡亦為周邑蓋費滑胥靡周鄭之間襄時屬鄭定時屬衛北宮括救晉侵鄭至于高氏注不書救以侵

告高氏在陽翟縣西南夏五月鄭太子髡頑侯獮為

質於楚注侯孺鄭大夫音義

髡苦門反孺乃侯反質音致

楚公子

成公子寅戌鄭○公會尹武公單襄公及諸侯伐鄭

自戲童至于曲洧注今新汲縣治曲洧城臨洧水音

義

戲許宜反洧于軌反治直吏反

疏

正義曰釋例云洧水出滎陽密縣西北陽城山東南至潁川長

平縣入潁

○晉范文子反自鄆陵注前年鄆陵戰還使其

祝宗祈死注祝宗主祭祀祈禱者曰君驕侈而克敵

是天益其疾也難將作矣愛我者惟祝我使我速死

無及於難范氏之福也六月戊辰士燮卒注傳言厲

公無道故賢臣憂懼因禱自裁音義

侈尺氏反又尸氏反難乃旦反

下同祝疏

正義曰劉炫以為士燮及昭子之卒適與死會非自裁今知非者以傳云使祝宗祈

死又云祝我使我速死無及於難是其欲死之意叔孫昭子心懷憂懼亦與此同身皆竝卒故知自裁若

其二人之卒適與死會春秋之內唯有兩人願死何得身死皆與相當故杜斟酌傳文以為自裁劉以為

偶然而死以規杜失非也何休膏肓以為人生有三命有壽命以保度有隨命以督行有遭命以摘暴未

聞死可祈也故杜以為因禱自裁也傳記此事者欲見厲公無道賢臣憂懼

○乙酉同盟

于柯陵尋戚之盟也注戚盟在十五年○楚子重救

鄭師于首止諸侯還注畏楚強○齊慶克通于聲孟

子與婦人蒙衣乘輦而入于閼注慶克慶封父蒙衣

亦為婦人服與婦人相冒閼巷門音義

典如字徐音預閼音宏冒

亡報

疏

正義曰釋宮云宮中術謂之壺術門謂之閼孫炎曰術舍間道也李巡曰閼術頭門也

鮑牽見之以告國武子注鮑牽鮑叔牙曾孫武子召

慶克而謂之慶克久不出注慙臥於家夫人所以怪

之而告夫人曰國子謫我注謫譴責也音義

謫直革反譴遣

戰反夫人怒國子相靈公以會注會伐鄭音義

相息亮反下相

施氏

高鮑處守注高無咎鮑牽音義

守手又反

及還將至



閉門而索客注蒐索備姦人音義

索所白反注同

孟子訴之

曰高鮑將不納君而立公子角國子知之注角頃公

子音義

頃音傾

秋七月壬寅刖鮑牽而逐高無咎無咎

奔莒高弱以盧叛注弱無咎子盧高氏邑音義

刖音月又

五刮反

齊人來召鮑國而立之注國牽之弟文子初鮑

國去鮑氏而來為施孝叔臣施氏卜宰匡句須吉注

卜立家宰音義

句其俱反

施氏之宰有百室之邑與匡句

須邑使為宰以讓鮑國而致邑焉施孝叔曰子實吉

對曰能與忠良吉孰大焉鮑國相施氏忠故齊人取  
以為鮑氏後仲尼曰鮑莊子之知不如葵葵猶能衛  
其足注葵傾葉向日以蔽其根言鮑牽居亂不能危  
行言孫音義知音智向許亮反本又作嚮行下孟反○冬諸侯伐鄭注

前夏未得志故十月庚午圍鄭楚公子申救鄭師于

汝上疏

正義曰釋例云汝水出南陽魯縣大蓋山東北至河南梁縣東南經襄城潁川汝南至汝

陰襄信縣入淮

十一月諸侯還注不書圍畏楚救不成圍而

還○初聲伯夢涉洹注洹水出汲郡林慮縣東北至

魏郡長樂縣入清水音義

洹音桓一音恒今土俗音表慮力於反樂音洛下樂

同平或與已瓊瑰食之注瓊玉瑰珠也食珠玉含象音

義

瓊求營反瑰古回反含戶暗反本亦作哈

疏

正義曰瓊是玉之美者廣雅云玫瑰珠也呂靖韻集

云玫瑰火齊珠也含者或用玉或用珠故夢食珠玉為含象也詩毛傳云瓊瑰石而次玉禮緯天子舍用珠諸侯用玉大夫用璧比聲伯得有瓊瑰者案周禮天子舍用玉則禮緯之文未可全依或可珠玉兼有故釋例云

珠玉曰含

泣而為瓊瑰盈其懷注淚下化為珠玉滿

其懷從而歌之曰濟洹之水贈我以瓊瑰歸乎歸乎

瓊瑰盈吾懷乎注從就也夢中為此歌懼不敢占也

還自鄭壬申至于狸脰而占之曰余恐死故不敢占

也今衆繁而從余三年矣無傷也言之之莫而卒注

繁猶多也傳戒數占夢音義

莫音暮數所角反

疏

正義曰聲伯之意以

初得此夢謂凶在已懼不敢占今衆既繁多而從余三年余之此夢凶災散在衆人不在已也故云無傷

○齊侯使崔杼為大夫使慶克佐之帥師圍盧注討

高弱音義

杼真呂反

國佐從諸侯圍鄭以難請而歸注請

於諸侯音義

難乃旦反下及注同

遂如盧師殺慶克以穀叛注

疾克淫亂故殺之齊侯與之盟于徐關而復之十二

月盧降使國勝告難于晉待命于清注勝國佐子使

以高氏難告晉齊欲討國佐故留其子於外清陽平

樂平縣是為明年殺國佐傳音義

降下疏正義曰欲江反遣國勝告

辭故今待進止之命在于清地非是使還待命

○晉厲公侈多外嬖注外嬖

愛幸大夫音義

嬖必計反

反自鄆陵欲盡去羣大夫而立

其左右注終如士燮言音義

反自鄆陵本作自鄆陵去起呂反

胥童

以胥克之廢也怨卻氏注童胥克之子宣八年卻缺

廢胥克而嬖於厲公卻錡奪夷陽五田五亦嬖於厲

公卻犇與長魚矯爭田執而梏之注梏械也音義

居矯

表反梏古毒反械戶戒反

與其父母妻子同一轅注繫之車轅既

矯亦嬖於厲公藥書怨卻至以其不從已而敗楚師

也欲廢之注鄆陵戰藥書欲固壘卻至言楚有六間

以取勝也使楚公子筏告公曰此戰也卻至實召寡

君注鄆陵戰晉囚公子筏以歸以東師之未至也注

齊魯衛之師與軍帥之不具也曰此必敗注荀罃佐

下軍居守卻犇將新軍乞師故言不具音義

帥所類反守手

又反 吾因奉孫周以事君注孫周晉襄公會孫悼公君

楚王也疏

正義曰晉世家云悼公周者其先祖父捷晉襄公少子也不得立號為桓叔桓叔生

惠伯談談生悼公周是周為襄公會孫也

公告欒書書曰其有焉不然豈

其死之不恤而受敵使乎注謂鄆陵戰時楚子問卻

至以弓音義

使所失反

君盍嘗使諸周而察之注嘗試也

音義

盍戶臘反使所失反又如字

卻至聘于周欒書使孫周見之

公使覘之信注覘伺也音義

覘勅廉反伺音司又絲嗣反

遂怨卻

至厲公田與婦人先殺而飲酒後使大夫殺注傳言

厲公無道先婦人而後卿佐郤至奉豕注進之於公

寺人孟張奪之注寺人奄士郤至射而殺之公曰季

子欺余注季子郤至公反以為郤至奪孟張豕音義

射食亦反厲公將作難胥童曰必先三郤族大多怨去大

族不偏注不偏公室音義偏彼力反下同敵多怨有庸注討

多怨者易有功音義易以鼓反公曰然郤氏聞之郤錡欲

攻公曰雖死君必危郤至曰人所以立信知勇也信

不叛君知不害民勇不作亂失茲三者其誰與我死



而多怨將安用之注言俱死無用多其怨咎音義

知音

智下

君實有臣而殺之其謂君何我之有罪吾死後

矣若殺不辜將失其民欲安得乎注言不得安君位

待命而已受君之祿是以聚黨有黨而爭命注爭死

命也罪孰大焉注傳言卻至無反心壬午胥童夷羊

五帥甲八百將攻卻氏注八百人也長魚矯請無用

衆公使清沸魑助之注沸魑亦嬖人音義

沸甫味反魑徒回反

抽戈結社注社棠陰音義

社而甚反徐音而鳩反

而偽訟者注

偽與清沸魁訟三卻將謀於榭注榭講武堂疏

正義曰楚

語云榭不過講軍實馬是榭為講武堂傳言將謀於榭似仍未至榭猶在塗也下云款駒伯苦成叔於其位位所坐之處則已至榭矣三卻憲公殺已謀欲自安未及謀而已死故云將耳非謂未至榭也或可將謀於榭是未至榭故杜云位所坐處也謂當時隨便所坐之處故長魚矯得偽訟而殺之若已至榭不應就榭

矯以戈殺駒伯苦成叔於其位注位所坐處也

駒伯谷錡苦成叔卻驍音義

處昌慮反

溫季曰逃威也遂

趙注卻至本意欲稟君命而死今矯等不以君命而  
來故欲逃凶賊為害故曰威言可畏也或曰威當為

藏矯及諸其車以戈殺之皆尸諸朝注陳其尸於朝

胥童以甲劫欒書中行偃於朝矯曰不殺二子憂必

及君公曰一朝而尸三卿余不忍益也音義一朝疏如字

正義曰一朝謂一旦也晉語說此事一旦而尸三卿不可益也對曰人將忍君注人

謂書與偃臣聞亂在外為姦在內為軌御姦以德注

德綏遠音義軌本又作宄音同御魚呂反下同御軌以刑注刑治近

也不施而殺不可謂德臣偪而不討不可謂刑德刑

不立姦軌竝至臣請行遂出奔狄注行去也音義施如

字或式  
跋反

公使辭於二子曰注辭謝書與偃也寡人有

討於邵氏邵氏既伏其辜矣大夫無辱其復職位注  
胥童刼而執之故云辱也皆再拜稽首曰君討有罪  
而免臣於死君之惠也二臣雖死敢忘君德乃皆歸  
公使胥童為卿公遊于匠麗氏注匠麗嬖大夫家樂  
書中行偃遂執公焉召士勾士勾辭注辭不往也召  
韓厥韓厥辭曰昔吾畜於趙氏孟姬之讒吾能違兵  
注畜養也違去也韓厥少為趙盾所待養及孟姬之

亂晉將討趙氏而厥去其兵示不與黨言此者明已

無所偏助孟姬亂在八年音義

去起呂反下同少詩照反

古人有

言曰殺老牛莫之敢尸而况君乎二三子不能事君

焉用厥也注尸主也音義

焉於虔反

○舒庸人以楚師之

敗也注敗於鄢陵舒庸東夷國道吳人圍巢伐駕圍

釐虺注巢駕釐虺楚四邑音義

道音導下及注同駕如字一音加釐力之

反虺許鬼反

遂恃吳而不設備楚公子橐師襲舒庸滅之

○閏月乙卯晦欒書中行偃殺胥童注以其劫已故

音義

樂他洛反

民不與郤氏胥童道君為亂故皆書曰晉

殺其大夫注厲公以私欲殺三郤而三郤死不以無

罪書書偃以家怨害胥童而胥童受國討文明郤氏

失民胥童道亂宜其為國戮疏

正義曰厲公以私欲殺三郤則三郤無罪

經應直云晉殺其大夫不應稱名也又胥童為樂書中行偃所殺乃直是兩下相殺今經書二者竝為國討之文故傳解之言民不與郤氏郤氏有罪也胥童道君為亂胥童有罪也故皆書曰晉殺其大夫以二者據其死狀皆非國討故傳正其二者之罪解其竝為國討之意劉炫云杜言三郤不以無罪書正謂不書盜書盜即無罪也胥童之死本非國家所殺故特言胥童受國討文其實傳意并論郤氏受國討故云

皆書曰晉殺其大夫也杜又云卻氏失民胥童  
道亂乃總釋傳並言二者皆為國討之意也

經十有八年春王正月晉殺其大夫胥童注傳在前年  
經在今春從告

庚申晉弑其君州蒲注不稱臣君無道

齊殺其大夫國佐注國武子也

公如晉

夏楚子鄭伯伐宋宋魚石復入于彭城注傳例曰以惡

入也彭城宋邑今彭城縣音義

復扶  
又反

公至自晉

晉侯使士匄來聘

秋杞伯來朝

八月邾子來朝

築鹿囿注築牆為鹿苑音義

固音又

己丑公薨于路寢

冬楚人鄭人侵宋注子重先遣輕軍侵宋故稱人而不

言伐音義

輕遣政反



晉侯使士魴來乞師魴音房

十有二月仲孫蔑會晉侯宋公衛侯邾子齊崔杼同盟

于虛打注虛打地闕音義  
虛起居反 打他丁反

丁未葬我君成公

傳十八年春王正月庚申晉欒書中行偃使程滑弑厲公注程滑晉大夫葬之于翼東門之外以車一乘

注言不以君禮葬諸侯葬車七乘音義  
乘絕證 反注同 疏正

曰周禮大行人上公貳車九乘侯伯七乘子男五乘謂生時副貳之車也其送葬亦當如之今唯一乘是

不以君禮葬也以晉是侯爵故指言侯禮七乘耳諸侯各依命數不是皆七乘也襄二十五年傳齊人葬莊公下車七乘以特言七乘明七乘舊制故彼注云齊舊依上公禮九乘以齊嘗為侯伯因而用九九非侯之正法故此以正言之

使荀罃士魴逆周子于京師而立之

注悼公周也生十四年矣大夫逆于清原周子曰孤始願不及此雖及此豈非天乎注言有命也抑人之求君使出命也立而不從將安用君二三子用我今日否亦今日共而從君神之所福也注傳言其少有才所以能自固音義

少詩照反

對曰羣臣之願也敢不唯

命是聽庚午盟而入注與諸大夫盟館于伯子同氏

注晉大夫家館舍也辛巳朝于武宮注武公曲沃始

命君疏

正義曰服虔本作辛未晉語亦作辛巳孔晁云以辛未盟入國辛巳朝祖廟取其新也案

晉語稱庚午大夫逆于清原傳云庚午盟而入逆日即盟非辛未也傳與晉語皆云辛巳朝于武宮服本自誤耳孔晁強欲合之非也

逐不臣者七人注夷羊五之屬也周

子有兄而無慧不能辨菽麥故不可立注菽大豆也

豆麥殊形易別故以為癡者之候不慧蓋世所謂白

癡音義

菽音叔易以豉反別彼列反癡勑疑反

○齊為慶氏之難注前

年國佐殺慶克音義

為于偽反  
難乃旦反

故甲申晦齊侯使士

華免以戈殺國佐于內宮之朝注華免齊大夫內宮

夫人宮疏

正義曰杜世族譜於齊國雜人之中有華免而無士字此注以華免為大夫則士者

為士官也官掌刑政故使殺國佐也於夫人之宮有朝羣妾之處故云內宮之朝蓋齊侯召入與語而殺之

師逃于夫人之宮注伏兵內宮恐不勝書曰齊殺

其大夫國佐棄命專殺以穀叛故也注國佐本疾淫

亂殺慶克齊以是討之嫌其罪不及死故傳明言其

三罪使清人殺國勝注勝國佐子前年待命于清者

國弱來奔注弱勝之弟王湫奔萊注湫國佐黨音義

湫子小反徐子鳥反萊音來

慶封為大夫慶佐為司寇注封佐皆

慶克子既齊侯反國弱使嗣國氏禮也注佐之罪不

及不祀○二月乙酉朔晉悼公即位于朝注朝廟五

日而即位也厲公殺絕故悼公不以嗣子居喪音義

殺音

疏

正義曰辛巳距乙酉五日先定所脩之政待朔旦而後施之故五日也晉語云正月乙酉

公即位孔晁云二月即位言正月者記者誤也厲公被殺而嗣絕故悼公自外而入即位之日即命百官施布政教與居喪即位其禮不同釋例曰厲公見殺悼公自外紹立本非君臣無喪制也若然禮喪服小

記云與諸侯為兄弟者服斬鄭玄云謂卿大夫以下也與尊者為親不敢以輕服服之言諸侯者明雖在異國猶來為三年也計厲是大公之曾孫悼大公之玄孫有總麻之親法當服斬而云無喪制者悼之父祖去晉適周與本親隔絕無往來恩義厲既見殺悼即被迎迎之以為晉君即與厲公體敵且葬厲公以車一乘國內尚不以為君不可責悼公服斬也縱使當為之斬絕而別立亦非嗣矣

始命百官

注始為政施舍已責注施恩惠舍勞役止逋責音義

施舍如字一音始  
歧反逋布吳反

逮鰥寡注患及微音義

鰥古頑反

振廢

滯注起舊德匡乏困救災患注匡亦救也禁淫慝薄

賦歛宥罪戾注宥寬也音義

慝他得反歛力驗反  
宥音又戾力計反

節

器用注節省也音義

省所景反下同

時用民注使民以時欲

無犯時注不縱私欲音義

縱本亦作從子用反

使魏相士魴魏

頡趙武為卿注相魏錡子魴士會子頡魏顓子武趙

朔子此四人其父祖皆有勞於晉國音義

相息亮反頡戶結反

穎苦疏

正義曰晉語云使呂宣子佐下軍曰邲之役

果反

呂錡佐知莊子於下軍獲楚公子穀臣與連

尹襄老以免其子鄢陵之役親射楚王而敗楚師以

定晉國而無後其子不可不崇也使甯共子將新軍

曰武子之季文子之母弟也武子宣法以定晉國文

子勤身以定諸侯二子之德其可忘乎故以甯季屏

其宗使令狐文子佐之曰昔克潞之役秦來圖敗晉

功魏顓以身退秦于輔氏親止杜回其勲銘于景鍾

至于今不忘其子不可不興也彼言呂宣子魏相也  
鹿共子士魴也令狐文子魏頡也又曰呂宣子卒公  
以趙文子能恤大事使佐新軍趙武父祖功名  
顯著故不復序之是四人父祖皆有勞于晉國

荀家

荀會樂厥韓無忌為公族大夫使訓卿之子弟共儉

孝弟注無忌韓厥子音義

孝弟音悌  
本亦作悌

疏

正義曰晉語  
云樂伯請公

族大夫公曰荀家悌慈荀會文敏厥也果敢無忌鎮  
靖膏梁之性難正也故使悌惠者教之文敏者道之  
果敢者諄之鎮靖者脩之使茲四人者為公族大夫  
也公族大夫職掌教誨故使訓卿之子弟令之共儉  
孝悌也晉語云韓厥子老僕公族穆子受事于朝辭  
曰厲公之亂無忌備公族弗能死孔晁云備公族大  
夫則韓無忌先為公族大夫今言使  
為之者悼公始命百官更改新授之

使士渥濁為大



傳使脩范武子之法注渥濁士貞子武子為景公大

傳音義

渥於角反

右行辛為司空使脩士為之法注辛將

右行因以為氏士為獻公司空也音義

行戶即反為于委反將子

匠反下疏

正義曰僖二十八年晉作三行三十一年即罷之以為五軍其置三行無多年歲彼

云屠擊將右行未知此人即屠擊之子孫也為是其祖代屠擊也正以荀林父將中行遂以中行為氏故

謂此人之先將右行因以為氏耳

弁糾御戎校正屬焉注弁糾樂糾

也校正主馬官音義

弁皮彥反本又作卞同糾居勑反校戶孝反注同

疏

正義

曰以晉語知是樂糾也周禮大馭御官之長別有戎僕掌御戎車春秋征伐之世以御戎為重此御戎當

是御之尊者校正當周禮校人校人掌主馬之政襄九年傳曰命校正出馬知是主馬之官也周禮校人不屬大御此蓋諸侯兼官或是悼公新法此傳所言諸官皆不得與周禮同也

**使訓諸御知**

**義注戎士尚節義也疏**

正義曰此訓諸御謂諸是御車之人設今國有十乘乘有

一御皆令此官教之戎士尚節義故訓之使知義如羊斟之徒是不知義也周禮校人主養馬耳不知御事此言校正屬焉乃云訓荀賓為右司士屬焉注司御蓋令校正助御戎訓御

**士車右之官疏**

正義曰周禮司士掌羣臣之版以詔王治其職非車右之類不得屬車右

也周禮有司右士也掌羣右之政凡國之勇力之士能用五兵者屬焉其下更有戎右中大夫齊右下大夫道右士此三右或官尊於司右而司右掌其政今春秋之世車右為尊此司士蓋周禮司右之類

為車右屬官服虔以為司士主右之官謂司右也

使訓勇力之士時使注勇

力皆車右也勇力多不順命故訓之以共時之使音

義

共音恭本亦疏正義曰所訓勇力之士皆謂為車作供下文同右者也設今國有千乘乘有一右

總使此官訓之勇力之士失於彊暴如魏犢之徒不順上命故訓之使共時之使不犯法也晉語云君知士貞子之帥志博聞而宣惠於教也使為大傅知右行辛之能以數宣物定功也使為司空知樂糾之能御以和於正也使為戎御知荀賓之有力而不暴也使為戎右是四人者皆公知其能而使之耳范武子為大傅孤也士蒍為司空卿也皆前世能者其法可遵故使二大夫居其官而脩其法也二人皆是大夫

非孤卿也

卿無共御立軍尉以攝之注省卿戎御令軍尉

攝御而已音義

省所景反疏正義曰卿謂軍之諸將令力呈反也若梁餘子養御罕夷

斛張御邵克之類往前恒有定員掌共卿御今始省其常員唯立軍尉之官臨有軍事使兼攝之今軍尉

兼卿御也祁奚為中軍尉羊舌職佐之魏絳為司馬注魏

犇子也張老為候奄鐸遏寇為上軍尉籍偃為之司

馬注偃籍談父為上軍司馬音義

鐸待洛反遏於葛反徐音竭

使

訓卒乘親以聽命注相親以聽上命音義

卒子忽反乘繩證反

下及注皆同

程鄭為乘馬御六駟屬馬使訓羣駟知禮注

程鄭荀氏別族乘馬御乘車之僕也六駟六閑之駟

周禮諸侯有六閑馬乘車尚禮容故訓羣騶使知禮

音義

騶側

疏

正義曰晉語云公知祁奚之果而不淫也使為元尉知羊舌職之聰敏肅給也

使佐之知魏絳之勇而不亂也使為元司馬知張老之知而不詐也使為元侯知鐸遏寇之共敬而信彊也使為與尉知籍偃之惇帥舊職而共給也使為與司馬知程鄭為端而不淫且好諫而不隱也使為贊僕晉語皆稱其才而用之善公之知人也言元尉元司馬元侯者此皆中軍之官元大也中軍尊故稱大也與尉與司馬者皆上軍官也與衆也官與諸軍同故稱衆也從車者為卒在車者為衆使此中軍與上軍軍尉司馬各教其軍之士卒使相親以聽在上之命注正義曰荀氏別族世本有文周禮齊僕下大夫掌馭金路以宿朝覲宗遇饗食皆乘金路杜言乘馬御乘車之僕則當彼齊僕也晉語謂之贊僕當時之

官名耳周禮掌駕之官無名騶者襄二十三年傳稱  
豐點為孟氏之御騶則騶亦御之類月令季秋天子  
乃教田獵命僕夫七騶咸駕載旌旗則騶是主駕之  
官也鄭玄云七騶謂趣馬主為諸官駕說者也周禮  
趣馬下士掌駕說之頒是騶為主駕之官駕車以共  
御者程鄭為乘馬御御之貴者故今掌駕之官亦屬  
之校人職云良馬三乘為皐皐一趣馬趣馬下士三  
皐為繫繫一馭夫馭夫中士六繫為殿殿一僕夫僕  
夫上士天子十有二閑邦國六閑鄭玄云每廐為一  
閑閑有二百一十六匹如彼計之每廐有趣馬十八  
人六閑之騶有一百八人皆屬程鄭而使總領之也  
戎車貴彊力乘車尚禮容故訓羣騶使知禮令教馬  
進退使合禮法也校人乘馬一師四圉三乘為皐皐  
一趣馬三皐為繫繫一馭夫六繫為殿殿一僕夫六  
廐成校校有左右天子十二閑馬六種邦國六閑馬  
四種家四閑馬二種鄭玄云每廐為一閑二百一十

六匹易乾為馬此應乾之策也校有左右則天子良馬五種各有四百三十二匹合二千一百六十匹駕馬三之四百三十二匹則千二百九十六匹合三千四百五十六匹詩云駉牝三千舉大數也玉路駕種馬戎路駕戎馬金路駕齊馬象路駕道馬田路駕田馬駑馬給宮中之役邦國六閑四種去種戎其齊道田各用一閑駕馬三之則千二百九十六匹大夫四閑二種去齊道田馬一閑駕馬三之則八百六十四匹四匹一師也十二匹一趣馬也三十六匹一馭夫也二百一十六匹一僕夫也

### 凡六官之

長皆民譽也注大國三卿晉時蓋六卿為軍帥故總

舉六官則知羣官無非其人音義

長丁丈反帥所類反下之帥為帥皆

同疏

正義曰上已歷言諸官特為公所知者更復總言所任皆得其人於時晉立六卿卿名下各有

統領羣官非一凡六官之在民上為長者皆是有德有能之人是民所褒譽者也使魏相以下至程鄭為乘馬御以上凡有八條之官魏相等為卿一也荀家等為公族大夫二也士渥濁為大傅三也右行辛為司空四也并糾為御戎五也荀賓為右六也祁奚為中軍尉至籍偃為司馬七也程鄭為乘馬御八也自公族大夫以下七條各云使為某事而卿下不云使者以卿總攝羣職非偏主一事故也公族大傅司空不云某官屬焉者以其當官自主更無餘官來屬其祁奚為中軍尉及羊舌職張老魏絳鐸遏寇籍偃雖是數官總為一條使訓卒來親以聽命此唯有中軍上軍無下軍之官者蓋時下軍無關不別立其官故也其卿無共御立軍尉以攝之一句為下祁奚為中軍尉猶緒也大畧所叙皆尊官在前卑官在後注正義曰大國三卿是正法當時晉置六卿為三軍之將佐皆是帥也於是晉又更置新軍凡有四軍八卿但



新軍或置或廢故傳不數之耳六官之長非獨卿身  
乃謂其下凡為人之長者皆有民之美譽故總舉六  
官則知羣官無  
非其人者也

**舉不失職官不易方**注官守其業無

**相踰易疏**

正義曰所舉用者皆堪其官不有失職者  
也文任大官武任武官其用為官各守其

業不踰易其方也若文人為武武人  
為文則違方易務不能守其職矣

**爵不踰德**注量

**德授爵師不陵正旅不偪師**注正軍將命卿也師二

千五百人之帥也旅五百人之帥也言上下有禮不

**相陵偪疏**

正義曰傳言不陵不偪者皆謂下不陵偪  
其上旅卑於師師卑於正知正是軍將命

卿也唯舉師旅不相陵偪言  
上下有禮皆不相陵偪也

**民無謗言所以復霸也**

注此以上通言悼公所行未必皆在即位之年音義

復扶又反下及注復

疏

正義曰霸者把也把持王政

霸皆同上時掌反

鄭玄云天子衰諸侯興故曰

霸夏有昆吾商有豕韋大彭周有齊桓晉文此最彊者也故書傳通謂彼五人為五霸耳但霸是彊國為之天子既衰諸侯無主若有彊者即營霸業其數無定限也而何休以霸不過五不許悼公為霸以鄉曲之學足以愈人傳稱文襄之霸襄承文後

○公如晉

紹繼其業以後漸弱至悼乃彊故云復霸

朝嗣君也○夏六月鄭伯侵宋及曹門外注曹門宋

城門也遂會楚子伐宋取朝邾楚子辛鄭皇辰侵城

邾取幽丘同伐彭城注朝邾城邾幽丘皆宋邑音義

取朝如字鄭古  
洽反部古報反

納宋魚石向為人鱗朱向帶魚府焉

注五子以十五年出奔楚獨書魚石為師告以三百

乘戍之而還書曰復入注惡其依阻大國以兵威還

故書復入音義

乘繩證反  
惡烏路反

凡去其國國逆而立之曰

入注謂本無位紹繼而立復其位曰復歸注亦國逆

音義

復歸音服一  
音扶又反

諸侯納之曰歸注謂諸侯以言語

告請而納之有位無位皆曰歸以惡曰復入注謂身

為戎首稱兵入伐害國殄民者也此四條所以明外

內之援辨逆順之辭通君臣取國有家之大例音義

以惡本或作以

疏

正義曰釋例曰凡去其國者通謂

惡入曰復入

君臣及公子母弟也國逆而立之

本無位則稱入本有位則稱復歸齊小白入于齊無  
位也衛侯鄭復歸于衛復其位也諸侯納之有位無  
位皆曰歸衛孫林父蔡季是也身為戎首則曰復入  
晉樂盈是也此所以明外內之援辨逆順之辭故經  
正魚石衛衎以表舊制傳稱凡例總而明之也衛人  
逆公子晉于邢宜稱入善其得衆公子友忠於社稷  
國人所思焉故閔公為落姑之盟以復之夫衛公子  
晉絕位而在邢魯之季子勢弱而出奔咸得民望享  
國有家是以聖人貴之殊其文也莊六年五國諸侯  
犯逆王命以納衛朔大其事故字王人謂之子突朔  
懼有逆衆之犯而以國逆告華元實國逆欲挾晉以  
自助故以外納赴春秋從而書之以示二子之情也

韓魏有緇國之彊陳蔡有復國之端故晉趙鞅楚公  
子比皆稱歸從諸侯納之例言非晉楚之所能制也  
侯犇愛君以請故曹伯有國逆之辭許始復國故許  
叔有國逆之文此皆時史因周典以起時事之情也  
傳例稱諸侯納之曰歸今檢經諸稱納者皆有興師  
見納之事不須例而自明故但言納而不復言歸也  
衛侯鄭曹伯負芻皆見執在周晉魯請而復之鄭書  
歸于衛負芻稱歸自京師所發事同而文異者例意  
本在于歸不以他文為義也賈氏又以為諸歸國稱  
所自之國所自之國有力也案楚公子比去晉而不  
返是無援於外而經書自晉陳侯吳蔡侯廬皆平王  
所封可謂有力而不言自楚此既明證又春秋稱入  
其例有二施於師旅則曰不地在於歸復則曰國逆  
又以立為例逆而不立則皆非例所入鄭之良霄以  
寇而入入即見殺而復例之例稱凡去其國明非天  
子之制也周敬王王子猛不書出而書入襄王書出

而不書入凡自周無出故非春秋舊例也諸在例外稱入直是自外入內記事者常辭義無所取而賈氏雖夫人姜氏之入皆以為例如此甚多又依放穀梁云稱納者內難之辭因附會諸納為義至於納北燕伯于陽傳稱因其眾窮不能通乃云時陽守距難故稱納此又無證經書楚人圍陳納頓子于頓則頓國之所欲也北燕伯傳有因眾之文不可言內難也又書納公孫寧儀行父子于陳陳縣而見復上下交驩二人雖有淫縱之闕今道楚匡陳賊討君葬威權方盛傳稱有禮理無有難此皆先說之不安也沈氏云國逆而立之曰入唯謂國君知不兼臣者以臣而無位本賤不書故知臣無國逆之例也其復入唯謂臣知者以君雖不君臣不可不臣君若入國臣無違拒之法且杜云身為戎首稱兵入伐是戎首指臣為文故知不得兼君也杜所以云四條通君臣取國有家之大例即是事通君臣者此據大畧而言不復曲細為

也別宋人患之西鉏吾曰何也注西鉏吾宋大夫音義

鉏仕居反徐在居反吾音魚西鉏吾人名也

若楚人與吾同惡以德於我

吾固事之也不敢貳矣注惡謂魚石大國無厭鄙我

猶憾注言已事之則以我為鄙邑猶恨不足此吾患

也音義

厭於鹽反憾戶暗反

不然而收吾憎使贊其政注謂不

同惡魚石而用之使佐政以間吾釁亦吾患也今將

崇諸侯之姦而披其地注崇長也謂楚今取彭城以

封魚石披猶分也音義

間如字又間廁之間釁許靳反披普彼反注同長丁丈反

疏

正義曰不然謂不與吾同惡也而收取吾之所憎謂魚石是也使佐其楚國之政以伺間吾之釁隙

而侵伐我如此則亦是吾之所患若晉用楚材皆為楚國之患焉是也

以塞夷庚注夷

庚吳晉往來之要道楚封魚石于彭城欲以絕吳晉

之道疏

正義曰夷平也詩序云由庚萬物得由其道是以庚為道也此云以塞夷庚下云而懼吳

晉知謂塞吳晉往來之要道也吳晉往來路由彭城楚取彭城以封魚石欲以斷絕吳晉往來之道使其不得往來故吳晉所以懼耳若其不然何以獨云懼吳晉也夷庚止謂吳晉往來之平道耳非山川險難之名故杜土地名

逞姦而攜服毒諸侯而懼吳晉注

隔吳晉之道故懼攜離也疏

正義曰逞快也封魚石為快姦人也攜離也諸



侯見楚助賊服從者其心皆離是離其服從者之心

吾庸多矣非吾憂也且事

晉何為晉必恤之注言宋常事晉何為顧有此患難

音義

難乃旦反

○公至自晉晉范宣子來聘且拜朝也注

拜謝公朝君子謂晉於是乎有禮注有卑讓之禮也

○秋杞桓公來朝勞公且問晉故公以晉君語之注

語其德政音義

勞力報反語魚據反注同

杞伯於是驟朝于晉而

請為昏注為平公不徹樂張本疏

正義曰詩云載驟駸駸驟是疾行之

名從魯即疾朝于晉也

○七月宋老佐華喜圍彭城老佐卒焉

注言所以不克彭城○八月邾宣公來朝即位而來

見也音義

見賢遍反

○築鹿囿書不時也注非土功時○

己丑公薨于路寢言道也注在路寢得君薨之道疏

正義曰喪大記云君夫人卒於路寢是在路寢得君薨之道也

○冬十一月楚子重

救彭城伐宋注使偏師與鄭人侵宋子重為後鎮宋

華元如晉告急韓獻子為政注於是樂書卒韓厥代

將中軍曰欲求得人必先勤之注勤恤其急成霸安

彊自宋始矣疏

正義曰謂文公成霸安彊自宋為始言今宋有患不可不救也

晉侯

師于台谷以救宋注台谷地闕音義

台勅才反  
一音臺

遇楚

師于靡角之谷楚師還注畏晉強也靡角宋地○晉

士魴來乞師注將救宋也季文子問師數於臧武仲

注武仲宣叔之子對曰伐鄭之後知伯實來下軍之

佐也注知伯荀蒞今彘季亦佐下軍注彘季士魴音

義

彘直  
例反

如伐鄭可也注伐鄭在十七年事大國無失

班爵而加敬焉禮也從之注從武仲言○十二月孟

獻子會于虛打謀救宋也宋人辭諸侯而請師以圍

彭城注不敢煩諸侯故但請其師為襄元年圍彭城  
傳孟獻子請于諸侯而先歸會葬○丁未葬我君成

公書順也注薨于路寢五月而葬國家安靜世適承

嗣故曰書順也音義

適丁疏正義曰自此以前莊宣  
歷反薨于路寢桓莊傳文宣

皆書葬矣今於此公薨之下言道也於葬之下言書  
順也獨發傳者隱桓閔皆為人所殺傳公薨于小寢  
文公薨于臺下皆其薨不得道也莊宣雖薨于路寢  
莊則子般見殺宣則歸父出奔家國不安非是得道  
順禮唯成公耳故傳於此發之釋例曰魯君薨葬多  
不順制唯成公薨于路寢五月而葬國家安靜世適  
承嗣故傳見莊之緩舉  
成書順以包之是也



春秋左傳注疏卷二十八

春秋左氏傳注疏卷二十八考證

雨木冰注記寒過節○

臣召南

按漢書五行志曰剝歆

以為上陽施不下通下陰施不上達故雨而木為之  
冰霧氣寒木不曲直也

傳鄭子罕伐宋注滕宋之與國鄭因滕有喪而伐宋故  
傳舉滕侯卒○趙汭補注曰傳欲見滕子謚下偶連  
鄭伐宋事杜注云云贅甚矣按滕子卒及鄭侵宋經  
各為一事杜注牽合非也

傳韓厥將下軍卻至佐新軍荀營居守注於是卻犇代

趙旃將新軍新上下軍罷矣○

臣浩

按三軍及新軍

將佐八人是為八卿

臣召南

按十三年晉及秦戰於

麻隊將佐八人樂書荀庚士燮卻錡韓厥荀營為三  
軍將佐趙旃將新軍卻至佐之似新上下二軍已罷  
不始于是年鄆陵之戰也

傳邲之師荀伯不復從○顧炎武日知錄曰杜注林父  
奔走不復故道非也謂不復從事于楚



傳塞井夷竈陳於軍中而䟽行首○林堯叟曰軍屯必鑿井結竈以自給今為楚壓晉軍戰地迫狹故自塞其井自平其竈以為戰地楚壓晉軍不可出陳故結陣於晉之軍中

傳楚之良在其中軍王族而已○臣召南按前後文皆

作王卒疑此文亦當作王卒但襄二十六年傳聶子述苗賁皇之言亦作王族尋文考義王卒則應比他卒良不應王族竝能良也且古本若係王族杜必有

注今無之恐本是王卒後人因一處誤作王族遂兩處均改而從訛也

傳寡君乏使使鍼御持矛注御侍也○林堯叟曰車右主擊刺持矛其職也故云使鍼侍君而持矛

傳王聞之召子反謀䟽子反之為人也嗜酒句甘而不

能絕於口句醉句戰既罷句○臣浩按呂覽作不能

絕於口以醉似較明晰

傳吾因奉孫周以事君○趙汭補注曰晉自驪姬之譖

不畜羣公子故周在周事單襄公

傳晉欒書中行偃使程滑弑厲公○萬斯大學春秋隨  
筆曰欒書中行偃弑君而書國弑者書偃既弑其君  
復威制國人使不敢以名告也赴不以名春秋安得  
而書之

傳逐不臣者七人注夷羊五之屬也○

臣召南

按此時

不臣孰有過於欒書中行偃者乎悼公不此之戮而  
逐夷羊五等所謂行事適機宜耳又按程滑當必在

七人之數

傳右行辛為司空注辛將右行因以為氏○

臣召南

按

注文似有殘缺當云辛之先將右行因以為氏

春秋左氏傳注疏卷二十八考證

謹按第五頁前五行疏死亡不復補刊本補訛存  
今改

第七頁前二行疏言楚無上六事刊本監本毛本  
楚訛苟據宋本改

第十三頁前四行疏順傳之文無明言宗族之事  
諸本傳訛作明訛妄據宋本改

第十五頁前五行疏鄭以跗裳為幅諸本裳訛當  
據宋本改

第二十一頁後二行注在十三年諸本訛作三十

年今改

第三十三頁前五行疏大夫用璧諸本璧訛碧據

宋本改

第三十六頁後八行注威當為藏諸本威訛畏據

宋本改





覆校官編修臣項家達  
校對官編修臣張秉愚  
謄錄監生臣宣葆光